

Toletana Canoniciatus

Super Declaratoria.

Stantibus &c.

Dubium = *An sit danda declaratoria in casu &c.*

19

1 Reu. Pater. **C**um in Ecclesia Toletana adsit Statutum rigorosum circa Sanguinis puritatem, iuxta cuius tenorem Prouisi de Canoniciatibus etiam per Sedem Apostolicam debent presentare Reuerendissimo Capitulo titulum suarum Prouisionum, una cum genealogijs suorum Progenitorum tam ex parte Patris, quam ex parte Matris, hinc cum Don Ioseph Fernandez Iubera Sacerdos Seguntinus fuisset a Sede Apostolica prouisus de Canoniciatu in Sancta Ecclesia Toletana, & presentasset in Capitulo titulum suae Prouisionis una cum genealogia suorum Progenitorum, Reuerendissimum Capitulum deputauit unum ex Canonicis, cui adiunxit Notarium, ad effectum conficiendi Processum super puritate Familiae dicti Domini Principalis, qui se contulit ad Ciuitatem Seguntinam, & ad Villam Matriti, aliaque Loca, & cepit omnes possibiles informationes, tam mediante Testium examine, quam etiam mediante compulsatione Scripturarum, & Instrumentorum, compilato Processu per dictum Canonicum informantem, hic *sub die 27. Nouembris 1712.* mandauit Notario, ut Processum clauderet, cum nihil aliud agendum superesset, prout fuit clausus, & sigillatus, & presentato dicto Processu in pleno Capitulo Toletano, licet ex illo non solum nulla appareret macula infectionis, sed plenissime constaret de conspicua, & antiqua Nobilitate, & puritate Familiae Domini Principalis, adhuc tamen Reuerendissimum Capitulum post dicti Processus examen, decreuit probationes non esse completas, subterfugium excogitatum ad effectum ne Dominus Principalis ad possessionem Canoniciatus admitteretur, & habita per Dominum Principalem praecitati Decreti noticia, appellauit ad Sedem Apostolicam, ex quo illi iniuste per Capitulum denegata fuisset dicti Canoniciatus possessio, & mediante Commissione signata manu Sanctissimi, obtinuit Causam appellationis, ac super executione suarum litterarum committi bon. mem. Lancetta, coram quo expeditis Litteris citatorijs, & inhibitorijs, ac compulsoialibus, illae fuerunt Reuerendissimo Capitulo notificatae, & Capitulum fere per spatium duorum annorum extradere

dece recusauit copiam dicti Processus informatiui, tandem ille
ad Urbem transmissio, dictum Reuerendissimum Capitulum sta-
tim ad Urbem oblegauit vnum ex Canonicis, qui nomine ipsius
se opponeret executioni Litterarum Apostolicarum; quo cir-
ca traducto Processu compilato per Canonicum informantem,
subscriptum fuit coram Reuerendissimo Lancetta Decano Du-
bium - *An litteræ Apostolicæ essent exequendæ*, quo in hoc Supre-
mo Auditorio proposito die prima Iulij 1716., pro executione
Litterarum Apostolicarum prodijt resolutio, *Summario num. 2. litt. K.*, & post decretam Causæ expeditionem publicata fuit à
bon. mem. Reuerendissimo Lancetta Sententia super executione
dictarum Litterarum, & pro effectu executionis mandauit
illum immitti in possessionem veram, actualem, & corporalem
dicti Canonicius, eiusque fructuum, reddituum, & proventuum
quorumcumque, vt plenius ex *Summario num. 2. litt. N.*
& fuit condemnatum Capitulum ad restitutionem fructuum dicti
Canonicius à die denegatæ possessionis, vsque ad diem quo
illi extraderetur Canonicius possessio, *Summario dicto num. 2. litt. O.*

2 A' præcitata Sententia Reuerendissimum Capitulum Toletanum
habuit recursum ad Signaturam Iustitiæ, & obtinuit signari Com-
missionem appellationis cum clausula = *Alteri qui ad legitimam*
quæ Commissio præsentata fuit bon. mem. Ansaldo, Summario
dicto num. 2. litt. T. & V., coram quo subscripto Dubio = *An*
esset procedendum ad legitimam, eoque proposito die 13. *Aprilij*
1717. affirmatiua prodijt resolutio, *dicto Summario num. 2. litt. B. B.*, & post decretam Causæ expeditionem fuit à bon.
mem. Ansaldo interpositum Decretum pro executione Sen-
tentiae Reuerendissimi Lancetta die 5. Iulij 1717., *dicto num. 2. litt. D. D.*

3 Habuit recursum Agens Reuerendissimi Capituli ad Signaturam
Gratiæ, & ab ea ad sui fauorem decerni obtinuit Litteras Com-
pulsoriales speciales cum termino sex mensium ad effectum com-
pulsandi nonnullos Processus ex Collegio Sanctæ Crucis, & San-
cti Idelphonfi, idque ad solum effectum retardandi executionem
Litterarum Apostolicarum, quodque durante dicto termi-
no in Causa supersederetur, & Agens Reuerendissimi Capituli
pluries obtinuit dicti termini prorogationes, & Causa interim
silebat, de quibus admonitus Principalis, qui reperiebatur exer-
cens munus Inquisitoris Regni Murciae in Ciuitate Carthaginen-
si, procurauit licentiam à Generali Inquisitore Regnorum Hispani-
niæ, ad hoc vt posset se conferre ad Urbem pro defensione sup-
ra Causæ, & honoris, quæ benignè illi concessa fuit non solum
cum consueto salario, sed etiam cum præhementijs, & anti-
quitate, perinde ac si in dicto munere resideret, & sibi fuit con-
cessa

cessa ad annum, *Summario Additionali numer. primo litt. D.*,
quam licentiam obtinuit pluries prorogari, *dicto num. primo
litt. E.*, & discessit vigore dictæ licentiæ à Ciuitate
Carthaginen. die 4. Maij 1721., *dicto Summario num. primo
litt. C.*; Cumque ad Urbem peruenisset reperijt, quod Capitu-
lum nouum recursum interposuerat ad Signaturam Gratix, ad
effectum obtinendi facultatem compulsandi ex omnibus Archi-
ujs Regnorum Hispaniæ omnia documenta, quæ concernere
possent puritatem, vel impuritatem Familiæ Domini Principalis,
sed huiusmodi Instantia Signatura Gratix reiecit, & solum con-
cessit Reuerendissimo Capitulo Toletano facultatem, vt posset
vti prima Compulsoria cum termino aliorum sex mensium, quem
terminum prorogari obtinuit ab Illustrissimo Auditore Sanctis-
simi. Cum autem vigore dictarum Compulsorialium specialium
in decursu quatuor annorum Reuerendissimum Capitulum nihil
penitus compulsauerit, vt refertur in Litteris exequutorialibus,
dicto num. 2. litt. F.F., hinc dictus Illustrissimus Auditor signa-
ri decreuit Commissionem directam huic Sacro Auditorio cum
clausula = *Alteri qui ad ulteriorem legitimam*, quæ Commissio
signata fuit manu Sanctissimi, & directæ bon. mem. Rm̃i Herre-
ra tunc Sacræ Rotæ Auditori, coram quo duo fuerunt subscripta
Dubia, vnum = *An sit procedendum ad legitimam* = alterum = *An
esset concedenda compulsoria specialis*. Cum autem d. Reuerendissi-
mus Herrera electus fuerit Episcopus Seguntinus fuit subroga-
tus Reuerendissimus Ponens, & Capitulum in plena Rota inste-
tit pro subscriptione aliorum Dubiorum, sed rescriptum fuit =
disputentur Dubia subscripta, quibus propterea propositis per
Reuerendissimum Ponentem, ad primum responsum fuit = *esse
procedendum ad legitimam executionem*, & quoad secundum =
non esse concedendam Compulsoriam, quæ resolutiones prodierunt
die 11. Ianuarij 1723., & sunt de verbo ad verbum transcriptæ
in dictis litteris exequutorialibus *dicto num. 2. litt. LL.*, atque
decreta fuit Causæ expeditio; Et licet Reuerendissimum Capi-
tulum Toletanum recursum habuisset ad Reuerendissimum Au-
ditorem Sanctissimi pro obtinenda Signatura nouæ Commissionis
decreta fuit illius Signatura dumtaxat in deuolutiuo, mediante
clausula *sine præiudicio* in cuius sequelam expeditæ fuerunt liti-
teræ exequutoriales quæ fuerunt Reuerendissimo Capitulo notifi-
catæ die 14. Septembris 1723., qui respondit sibi fuisse notifi-
catas exequutoriales ad effectum, vt Domino Principali extra-
deret possessionem Canonatus, vtque consignaret fructus à
die denegatæ possessionis, & respondit, quod metu centura-
rum erat paratum obedire *sine præiudicio* statuti Puritatis, & re-
seruato Iure prosequendi litem in deuolutiuo, & esse paratum
extradere Domino Principali, sine illius Procuratori speciali di-

At Canonatus possessionem dicto num. 2. litt. D. D. D. D., & E. E. E. E., prout dictam possessionem extradidit Procuratori Domini Principalis dicto Summario num. 2. D. D. D. D. D. sed in actu dictę possessionis proclamare fecerunt à Secretario Reuerendissimi Capituli alta voce protestationem infamatoriam super prætensa impuritate Principalis, ac super prætensa iniustitia Sententiarum huius Supremi Tribunalis, quodque Principalis eas obtinuerat mediantibus negotiationibus, & alijs medijs illicitis, vt liquet de dicta proclamatione dicto num. 2. litt. F. F. F. F., & protestatio est in eodem numero transcripta à litt. F. F. F. F. usque ad B. B. B. B., illamque ad perpetuam rei infamiam etiam registrari mandarunt in libris Reuerendissimi Capituli Summario dicto num. 2. litt. C. C. C. C., cumque Procurator Principalis in exequutionem d. d. litterarum exequutoriarum inissetisset consignari fructus à die denegatę possessionis, vsque ad diem captę possessionis, respondit Capitulum non teneri ad d. d. fructuum restitutionem ex quo iuxta statuta Ecclesię producenda in Sacro Rotę Auditorio fructus dicto Domino Leopoldo non debebantur, ex quo residentiam non fecerat in scamno Patientię, dicto num. 2. litt. K. K. K. K.; Interea verò Commissio in deuolutiuo à Sanctissimo signata cum dicta clausula = *sine præiudicio executionis* = commissa fuit Rmo de Gamaches, coram quo fuit subscriptum Dubium = *An constet de Re lue dicata, vel potius de causis*.

- 4 Cumque peruenissent ad Urbem præcitatę Litterę exequutoriales cum dictis notificationibus, & seruatis solitis terminis ad docendum de partitione, subscriptum fuit Dubium = *An constet de partitione, vel potius esset relaxanda declaratoria*, & ad instantiam Reuerendissimi Capituli fuerunt producti articuli ad effectum probandi consuetudinem non extradendi fructus Canonici litigiosi, nisi tempore, quo fiebat Processus informatiuus, Prouisus residentiam faceret in scamno Patientię, & nisi fecisset residentiam certo anni tempore, & proinde subscribi curauit Dubium = *An esset concedenda Remissoria*, quibus propositis à Reuerendissimo Ponente die 14. Ianuarij 1724. quoad primum responsum fuit = *non constare de partitione, & relaxandam esse declaratoriam iuxta modum*, & modus fuit, vt relaxaretur declaratoria ob non solutionem fructuum à die denegatę possessionis, vsque ad diem captę possessionis, vtque publicę, & palam obliterarent, & cassarent dictam protestationem cum termino mensium ad parendum, vt plenius ex *Decisione super Declaratoria, quam impressam distribuimus*, & quoad Dubium Remissorię, rescriptum fuit = *Non esse concedendam, & ex altera Decisione, quam pariter impressam distribuimus*, & subindè die 14. Februarij 1714. propositum fuit Dubium in deuolutiuo à Reuerendissimo

rendissimo Gamaches, & resolutum = *Constare de Re Iudicata*,
vt ex altera Decisione, quam pariter impressam distribuimus, &
post decretam vtriusque Causæ expeditionem, publicata fuit Sen-
tentia declaratoria cum termino trium mensium ad parendum
à die notificationis, qua expedita, & transmissa ad Partes, tan-
dem Capitulum anno præterito obtemperauit, soluit dictos fru-
ctus, & obliterauit dictam protestationem, hinc fuit quoque
expedita Causa in deuolutiuo coram Rmo Gamaches, & in exe-
quutionem Rei Iudicatæ taxatæ expensæ.

5 Terminata hac Causa etiam in deuolutiuo de mense Aprilis anni
elapsi Canonicus Commissarius Reuerendissimi Capituli discessit
ab Vrbe, prout quoque discessit ab Vrbe Dominus Principalis,
& redijt ad exercendum suum munus Inquisitoris in Regno
Mucix, ac ad Tribunal Inquisitionis se restituit *de mense Augusti*
1725. *Summario Additionali num. primo litt. I.*

6 Post solutos à Reuerendissimo Capitulo fructus pendente lite de-
curfos *de mense Septembris anni 1723.*, post extraditam dicto
Domino Principali possessionem, non amplius fructus, ac distri-
butiones eidem persoluerunt, & sic ferè per tres annos; Et
quamuis plures Epistolas dicto Reuerendissimo Capitulo con-
scripsisset, vt dignarentur ipsi fructus sui Canonicatus persolue-
re, nullum habere potuit responsum, quo circa cogitur Prin-
cipalis iterum huic Supremo Auditorio pro noua declaratoria
supplicare, sine qua fructus sui Canonicatus consequi non spe-
rat, quo circa reproductis, siuè repetitis in Actis Litteris Exe-
quutorialibus, & seruatis consuetis terminis ad docendum de
partitione, *Summario Additionali num. 2. & 3.*, subscribi curauit
Dubium præinsertum, quod cum in Rota hodierna propo-
ni contingat, supplicamus rescribi = *concedendam esse Declara-*
toriam.

7 Quandoquidem, cum in sententijs, & litteris fauore Principalis
publicatis non solum concessa fuerit immissio ad Canonicatum,
sed etiam immissus fuerit in possessionem omnium fructuum, red-
dituum, distributionum, & Emolumentorum quorumcumque
Summario Principali num. 2. litt. N., Cuique in literis execu-
torialibus fuerit ab hoc Supremo Auditorio Reuerendissimo Capi-
tulo mandatum, vt sub pœna excommunicationis exequerentur
omnia, & singula in dicta sententia contenta *dicto num. 2. litt. P.*
Q., & R., vtique eo ipso quod Reuerendissimum Capitulum
consuetam contumacia licet extradiderit Principali Canonicatus
possessionem de Mense Septembris 1723. cum tamen illi fructus
non persoluat, [non dicitur litteris executorialibus obtempera-
re cum non sufficiat extradere nudam, & simplicem possessionem
Canonicatus, nisi etiam fructus post traditam possessionem ex-
tra-

tradiderit, cum aliàs possessio esset verbalis, & de vento, vt dixit *Rota coram bo. mc. Ansaldo dec. 51. num. 3., & 4., & ex eadem causa, ex qua post traditam possessionem, Capitulum fructus non extradebat relaxata fuit declaratoria in Wormaticen. Decanatus 13. Maij 1709. coram Reuerendissimo Crispo, & in Augustana Canoniciatus super aggrauatoria 26. Iunij 1722. coram bon. mem. Lancetta S. Et quod attinet, & quemadmodum hoc Sacrum Tribunal declaratoriam contra Reuerendissimum Capitulum relaxauit, ex quo iuxta formam litterarum exequutorialium non persoluit D. Principali fructus, & distributiones pendente lite decursos, vt ex *decis. super declaratoria 14. Ianuarij 1724. S. Rursus*, qua mediante illos persoluit, ita etiam contra idem Capitulum relaxari debet declaratoria, dum Principali non persoluit fructus, & distributiones decursas post extraditam possessionem de mense Septembris 1723. vt ex *Summario Principali numer. 2. lit. D. D. D. D. D.* Cum enim Reuerendissimum Capitulum in terminis addocendum de paritione contra ipsum seruatis, vt ex *Summario Additionali num. 3.* non docuerit fructus post captam possessionem decursos persoluisse, decernenda omnino videtur declaratoria, vt contra idem Reuerendiss. Capitulum Toletanum dixit *Rota coram sa. mc. Alexand. VIII. decis. 75. num. 3., & decis. 308.* post secundum volumen *Farinacc., & coram Reuerendissimo Ponente die 14. Ianuarij 1724.* quam impressam distribuimus.*

- 8 Non obstante, quod Reuerendissimum Capitulum non teneatur D. Principali extradere fructus sui Canoniciatus, ex quo post extraditam Procuratori D. Principalis possessionem d. Canoniciatus non se contulit ad residentiam sui Canoniciatus, quodque proinde non teneatur illi fructus extradere, qui residentibus, & Ecclesiæ inseruiantibus de Iure debentur, non autem absentibus, & Ecclesiæ non seruientibus, cum in Ecclesijs Cathedralibus Regnorum Hispaniæ omnes fructus in distributionibus consistant, scilicet in massa grossa quæ certis anni diebus inter Canonicos per Capitulum distribuitur, & in distributionibus quotidianis.
- 9 Quandoquidem Capitulum tenebatur fructus, & distributiones sui Canoniciatus persolvere D. Principali quāuis in Ecclesia residentia non fecerit, & quidem dd. fructus, & distributiones D. Principali extradere tenebatur per totum tempus, quo fuit in Urbe commoratus prò defensione sui Canoniciatus cum tunc dicatur abesse ex causa legitima, & à Iure approbata, habemus *Textum expressum in Cap. ex parte il secundo de Clericis non residentibus*, utique absenti pro defensione Prouisionis sui Canoniciatus debiti sunt fructus, & distributiones, vt in specie probant *Barbos. de Canonie., & dignita. cap. 24. num. 25., & de officio, & potestate Episcopi alleg. 53. num. 172. Pignatell. consultat. 150. nu. 1. tom. 4.*

Adden.

Adden. ad Gregor. *dec.* 341. *lit.* A. Rota eorū Seras. *decis.* 1098.
num. 7. & *dec.* 467. num. 1. par. 1., & *dec.* 689. num. 3. par. 3., &
Wormariē. Decanatus 13. Maii 1709. S. Et quamvis cor. Rmo
Crispo.

Indubitanter, quia dicta causa inuoluebat causam honoris suæ Illu-
stris familiæ quam omni medio possibili deturpare conabatur Re-
uerendissimum Capitulum Toletanum, causa autem honoris, &
super statu Personæ est legitima ad hoc, vt Canonico absenti de-
beantur fructus, & distributiones Canonicatus, licet in Ecclesia
non resederit *Archidiaconus*, in cap. *licet causam sub num. 7. de elect.*
Rot. coram Vbald. dec. 288. num. 2., & proinde eo ipso quod Re-
uerendissimum Capitulum Toletanum Domino Principali com-
moranti in Vrbe ex causa litis quam habebat cum Reuerendissi-
mo Capitulo fructus non persoluit contra ipsum relaxanda venit
declaratoria, vt in specie firmavit Rota in dicta Wormariē. De-
canatus.

Si verò agatur de fructibus debitis postquam Principalis ab Vrbe
recessit, & se contulit tamquam Inquisitor Regni Murtiæ ad
exercendum Munus Inquisitoris, vt ex *Summario Additionali nu-*
mer. 1. *lit.* I. indubitatum est D. Principali fructus Canonicatus,
& distributiones esse debitas, cum Inquisitores deputati à Gene-
rali Hispaniarum Inquisitore, quamuis non resideant in suis Ca-
ponicatus, tam de lure, quam ex Priuilegijs Apostolicis debentur
fructus, & distributiones: De lure quidem, quia cum absint
ex legitima causa, & quidem publica, concernente bonum publi-
cum, scilicet conseruationem nostræ Catholicæ Religionis, vtique
tamquam absenti ex causa iusta, & legitima, debentur fru-
ctus Canonicatus, & Præbendæ.

Debentur etiam fructus Canonicatus D. Principali tamquam In-
quisitori Regni Murtiæ ex specialibus Indultis, & Priuilegijs con-
cessis omnibus Inquisitoribus Deputatis ab Inquisitore Generali
Regnorum Hispaniæ, vt de illis testantur Royas in singularibus
fauore fidei *singular.* 96. *Spin. de Testam. gloss.* 3. num. 98. *Villar*
de Patronat. 4. par. in princip. num. 8. *Garz. de benef. par.* 3. cap. 2.
num. 356. *Ejacobar. de purit. sang. par.* 1. qu. 4. §. 6. num. 71. cum
aliis plene relatis per *Barbos. de Canon. & dignitat. cap.* 24. nu-
mer. 2., & 3. dictaque Indulta, quibus fruuntur Inquisitores con-
tra Hæreticam prauitatem in Regnis Hispaniæ sunt notoria, &
in vsu, & in eorum vigore omnes Inquisitores in dd. Regnis pos-
sidentes Canonicatus, & Præbendas in Ecclesiis Regnorum Hi-
spaniæ, cum teneantur residere in suis Tribunalibus ad exercen-
dum Officium Inquisitoris, & non possint in Ecclesiis residere
hinc lucrantur in absentia, & residendo in suis Tribunalibus fru-
ctus, & distributiones suarum dignitatum, & Canoniarum perin-
de ac si residerent.

13 Si verò iterum obiiiciatur fructus Principali non deberi, vel quia non refedit in Scamno Patientia, vel quia non fecit primum refidentiam, iam ista obiecta sublata fuerunt in præcitatæ decisionibus super declaratoria, & prætenfa remissoria, coram Reuerendissimo Ponente, quas impressas distribuimus: Neque alio modo D. Principalis consequi potest fructus decursos post captam sui Canonici Possessionem, nisi mediante declaratoria censurarum, declarando non esse paritum dictis litteris executorialibus, nisi persoluant fructus, & distributiones decursas, & faciant in actis obligationem soluendi in futurum, quoniam Reuerendissimum Capitulum iam alias animum suum declarauit, quod nollet quicquam Principali persolvere, nisi ex Iudicis mandato, & mediante declaratoria, prout executum fuit quoad fructus durante lite decursos.

Quare &c.

Vitus Angelus Caualleti.

R. P. D.

C O R I

Toletana Canonici super Declaratoria.

P R O

Illmo D. Don Iosepho Fernandez Toletano Inquisitore Regni Murtiæ, & Canonico S. Ecclesiæ Toletanæ.

C O N T R A

Rmum Capitulum Toletanum.

Facti.

✿ Typis Zinghi, & Monaldi 1726.